

Te mahere ā-rohe o Franklin 2020

He aronga poto i tā mātou mahere



Mihi

Tēnā, kia hoea e au taku waka mā ngā tai mihi
o ata e uru ake ai au mā te awa o Tāmaki
ki te ūnga o Tainui waka i Ōtāhuhu.
I reira ka tōia aku mihi ki te uru ki
te Pūkaki Tapu o Poutūkekā,
i reira ko te pā i Māngere.
E hoe aku mihi mā te Mānukanuka o Hoturoa
ki te kūrae o Te Kūti o Āwhitu.
I konā ka rere taku haere mā te ākau ki te
pūaha o Waikato, te awa tukukiri o ngā tūpuna,
Waikato Taniwharau, he piko he taniwha.
Ka hīkoi anō aku mihi mā te taha whakararo mā
Maioro ki Waiuku ki Mātukureia,
kei konā ko ngā pā o Tāhuna me Reretewhioi.
Ka aro whakarunga au kia tau atu ki Pukekohe.
Ka tahuri te haere a taku reo ki te ao
o te tonga e whāriki atu rā mā runga i ngā hiwi,
kia taka atu au ki Te Paina,
ki te Pou o Mangatāwhiri.
Mātika tonu aku mihi ki a koe Kaiaua
te whākana atu rā ō whatu mā Tīkapa Moana
ki te maunga tapu o Moehau.
Ka kauhoetia e aku kōrero te moana ki Maraetai
kia hoki ake au ki uta ki Ōhuiarangi,
heteri mō Pakuranga.
I reira ka hoki whakaroto ake anō au
i te awa o Tāmaki
mā te taha whakarunga ki te Puke o Taramainuku,
kei konā ko Ōtara.
Kātahi au ka toro atu ki te Manurewa a Tamapohore,
kia whakatau aku mihi mutunga
ki runga o Pukekiwiriki.
Kei raro ko Papakura ki konā au ka whakatau.

Kei tēnei puka te whakarāpopotohanga o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau,
www.aucklandcouncil.govt.nz mō te roanga ake o te mahere.

He kōrero nō te Heamana

Hei māngai mō te Poari ā-Rohe o Franklin, nōku te maringenui ki te whakatakoto i tō mātou Mahere Poari ā-Rohe ki mua i te aroaro. Ko tēnei mahere te tūāpapa mō ngā whakataunga o te poari, ā, he mahere i whai wāhi ai ngā kōrero i whakahokia mai e ō tātou hapori maha, e o tātou hapori kanorau. E ngākau titikaha ana au ka ea i tēnei mahere ngā kaupapa i whakarārangihia ai e koutou hei pīkau.

Hāunga ngā raru ohaoha me ngā raru pāpori whai muri i te urutā MATE-KORONA, he wero nunui kei mua i a tātou ki te hāpai i ngā taumahatanga e hua mai ana i te rahirahinga o te taupori i tēnei rohe kāinga ō tātou. Me whakapakari i ngā hanganga tūhonotanga hāereere, waka tūmatanui, wai toru (wai inu, wai ua, wai para), whare mātauranga, whare hauora hoki. Kāore i te poari ā-rohe te kupu whakamutunga i ēnei kaupapa, heoi, ko tōna he akiaki, he whai aweawe kia whai wāhi atu te tirohanga ā-rohe ki ngā whiringa, ā, he rere ngātahi ngā mahi a te hapori me ngā mahi a te kaikaunihera o te takiwā o Franklin.

E kitea ana te wairua aumangea i ō tātou tāone, pā, kāinga hoki, ā, ka rangona hoki te tuakiri motuhake o tēnei rohe, he mea taketake i te tawhiti i ngā tāone matua. Ko tō tātou, ināianei, inanahi hoki, he tiaki i tēnā, i tēnā, e ai ki ō tātou ake tikanga. Mēnā e taea ana ā-pūtea nei, e rite ana mātou ki te takahi atu i ngā huarahi auaha ki te whakatutuki i ngā wawata. Koia nei te rerekētanga ki ērā atu kiritata tāone-nui.

Ko te wero ki a mātou te poari - kia whai wāhi atu ngā uara me ngā wawata o ngā tāngata o tēnei rohe ki ngā whakataunga ka tahī, he whai whakaaro atu ki ngā wawata o ō tātou hapori o āpōpō ka rua. Ko ngā wāhi ka kaha huri i ngā tau kei mua i te aroaro, pēnei ki a Pukekohe, Drury, Clevedon, te ākau o Pōhutukawa - ko ēnei ngā wāhi me rite mō tēnei huringa kia taka iho ai ngā painga, kia kore ai e mahue.

Waihoki, kua herea ō tātou whakataunga ki te āpōpō o ā tātou tamariki me ā tātou mokopuna, nā whai anō me whakamahere, me tuku pūtea hoki, ki ngā kaupapa e whai hua ai ngā reanga o āpōpō. Mā reira e whakahīhī ai rātou i tō rātou rohe, mā reira e whai hononga rātou ki tō rātou rohe, pēnei i a tātou o nāianei.

He kaha te pānga o te urutā MATE-KORONA ki a tātou - ā-pāpori, ā-ohaoha, ā-tangata. I tōnā mutunga iho, kāore e tinana te katoa o ngā wawata. Nā te whakaae ki tēnei mahere hei rautaki arahi, ka whai mana mātou, ō māngai torangapū, ki te tuku i ngā rauemi ki ngā kaupapa, ki te tū hei waha kōrero mōu i ngā toru tau kei mua i te aroaro, hei painga mō ngā reanga e haere ake nei.

Andrew Baker



Heamana, Franklin Local Board

He whakarāpopotohangā o ngā kaupapa matua o te mahere

Whakaotinga tahi: Mā ō tātou whirikoka e whakatipu te āheinga me te taurikura ā-rohe

Ko te whāinga - nā runga i te mōhio ka huri haere, ka hōu hāere te ohaoha ā-rohe, te taiao me te maha o ngā tāngata - kia tautokona ngā tāngata ki te whakatū mahi hōu me te whiwhi mahi hōu, kia tonoa te pūtea haumi ā-rohe, ā-motu, ā-tūmataitī, hei whakakiko i ngā wawata hanganga me ngā kaupapa ā-rohe e whakawhanakehia ana, e whakatairangatia ana.

Whakaotinga rua: Ngā kōwhiringa ikiiki pai ake me ngā rori hāngai ki te kaupapa

Ka akiaki i te whakapaipaitanga o ngā hanganga hāereere me ngā ratonga kia iti ake te whakamahi motukā o tēnā, o tēnā, ā, ka patipati pūtea haumi mō te pūnaha rori kia marutau ai ngā rori o nāianei, o āpōpō hoki.

Whakaotinga toru: E hāngai tika ana ngā wāhi me ngā ratonga

Ka whakamahere i te whanaketanga o te tāone me ngā raru āhuarangi i a tātou e manaaki ana, e whakanui ana i ngā āhuatanga motuhake me ngā momo rirerire o ō tātou hapori.

Whakaotinga whā: Te kaitiakitanga me te tiaki i tō tātou taiao

Ka mahi pokohiwi ki te pokohiwi ki te mana whenua, ngā hapori ā-rohe me ētāhi atu ki te arataki i ngā kaupapa ki te poipoi, ki te whakaora, ki te whakarauora i te taiao, ki te whakahou i te para.

Whakaotinga rima: Kei te pūkaretia te ahurea tuku iho me te tuakiri Māori ki ō tātou hapori

Ka hopukina, ka whakatairangatia ngā kōrero ahurea kia mārama ai ngā kōrero tuku iho me ngā tirohanga o ahurea kē, ki ngā manuhiri, ngā reanga o āpōpō, me ngā tāngata e hou ana ki te rohe nei.

Whakaotinga ono: Te rongo i te whai wāhi me te whakaurunga hapori kaha

Ka tautokona ngā rōpū hapori ki te kawe i ngā kaupapa ā-rohe me ngā kaupapa ahurea, ki te akiaki i ngā tāngata o tēnei rohe ki ēnei āhuatanga - he whai whakaaro atu ki te āpōpō rerekē.

Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Franklin mai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/21 (\$000)
Whiwhinga moni i ngā mahi whakahaere	
Ratonga haporī ā-rohe	1,014
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whiwhinga moni i ngā mahi whakahaere	1,014
Whakapaunga moni ki ngā mahi whakahaere	
Ratonga haporī ā-rohe	12,805
Whakarautaki ā-rohe me ngā mahi whakawhanake	992
Ratonga taiao ā-rohe	244
Mahi kāwana ā-rohe	1,117
Tataunga whakapaunga moni ki ngā mahi whakahaere	15,158
More whakapaunga moni ki ngā mahi whakahaere	14,144
Whakapaunga pūtea tōpū	
Ratonga haporī ā-rohe	12,645
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whakapaunga pūtea tōpū	12,645

Ngā Mema o te Poari ā-Rohe o Franklin

	Ngā taipitopito hei toro atu ki ngā mema
	Andrew Baker – Heamana Waea: 021 283 2222 Andrew.baker@aucklandcouncil.govt.nz
	Angela Fulljames– Heamana Tuarua Waea: 021 923 278 Angela.fulljames@aucklandcouncil.govt.nz
	Malcolm Bell Waea: 021 916 381 Malcolm.bell@aucklandcouncil.govt.nz
	Alan Cole Waea: 021 923 719 Alan.cole@aucklandcouncil.govt.nz
	Sharlene Dryuven Waea: 021 536 177 Sharlene.dryuven@aucklandcouncil.govt.nz
	Lance Gedge Waea: 021 197 6645 Lance.gedge@aucklandcouncil.govt.nz
	Amanda Kinzett Waea: 021 198 1564 Amanda.kinzett@aucklandcouncil.govt.nz

	Ngā taipitopito hei toro atu ki ngā mema
	Matthew Murphy Waea: 021 198 0424 Matthew.murphy@aucklandcouncil.govt.nz
	Logan Soole Waea: 021 197 5853 Logan.soole@aucklandcouncil.govt.nz



© 2020 Auckland Council
Auckland Council, Franklin Local Board

ISSN 2253-1025 (Print)
ISSN 2230-665X (PDF)

Auckland Council disclaims any liability whatsoever in connection with any action taken
in reliance of this document for any error, deficiency, flaw or omission contained in it.